

欽定科場條例

欽定科場條例卷五十六

殿試

傳臚謝

恩

現行事例

一傳臚前一日讀卷官以前十卷進

呈預傳貢士等於

午門前伺候

欽定拆封後按名傳宣由讀卷官帶領前十八引

見有引

見不到者。卽行叅奏。

一四月二十五日。

御殿傳臚。禮部先期劄欽天監選擇吉時。送部繕寫禮節具奏。得

旨。通行各衙門。示知貢士。並行護軍統領。於是日五鼓。開

東長安門。行兵部步軍統領。開正陽門。知會主以下文武各官。朝服齊集。都派司官四員。會同鴻

臚寺官帶領貢士。派筆帖式十員引榜。餘均與朝賀事宜同。

一出榜。應用校尉五十名。行鑾儀衛出派。並令委員約束。均前一日赴部住宿。

一傳臚日。應備各貢士三枝九葉頂。預行工部。俟移取時給發。事竣送回。應備繖仗儀從。送狀元赴順天府筵宴歸第。劄順天府飭大興宛平二縣辦理。

一狀元率諸進士上

表謝

恩。行都察院派監禮御史。行鴻臚寺派贊引官。並陳設表案。部派司官一員。接表送入內閣。

禮節

傳臚前一日。讀卷官以前十卷恭進

御覽。

欽定甲第名次。啟封。吏禮部司官。按名傳前十人。詣乾清門。俟讀卷官帶領引

見畢。讀卷官捧卷至紅本房。前三卷書一甲第幾名。

後七卷填寫二甲第幾名畢。捧卷至內閣。將其
餘各卷依次書寫。啟彌封。付填榜官填榜。內閣
學士奉榜詣

乾清門請

皇帝之寶。鈐榜訖。仍送入。退是日早

法駕。鹵簿於

太和殿前照常陳設。樂部和聲署設中和韶樂於
太和殿檐下兩旁。設丹陛大樂於

太和門內兩旁。俱北向。王以下入。八分公以上在

丹陛上文武各官在丹墀內俱朝服排立。諸貢士穿公服。戴三枝九葉頂。在丹墀內。於各官之次兩翼序立。禮部鴻臚寺官設黃榜案一於太和殿內東旁。又設黃案一於丹陛上正中。設雲盤於丹陛下。設龍亭於

午門外。內閣學士具朝服捧黃榜。安設於

太和殿內東旁黃案上。屆時禮部堂官奏請

皇上具禮服出宮。

午門鳴鐘鼓。禮部堂官前引。

皇上御太和殿。中和韶樂作。奏隆平之章。

皇上陞座。樂止。鑾儀衛官贊鳴鞭。階下三鳴鞭。鳴贊官贊排班。丹陛大樂作。奏慶平之章。鴻臚寺官引讀卷官執事官排班立。鳴贊官贊進贊跪叩。興讀卷官執事官行三跪九叩禮。禮畢。樂止。內閣大學士一員自黃案捧榜至。

太和殿檐下授禮部堂官。禮部堂官跪接。由中階左旁下。置於丹陛正中所設黃案榜架上。跪行三叩禮。退立東側。鳴贊官贊排班。丹陛大樂作。

奏慶平之章。鴻臚寺官分引諸貢士至行禮處。
次第排立。鳴贊官贊有。

制諸貢士皆跪。樂暫止。鴻臚寺官於丹陛上東旁立。
宣。

制畢。唱第一甲第一名姓名。鴻臚寺官引狀元出班。
就道左跪。唱第一甲第二名姓名。引榜眼出班。
就道右稍後跪。唱第一甲第三名姓名。引探花
出班。就道左又後跪。皆傳唱者三次。唱第二甲
第一名某人等若干名。唱第三甲第一名某人

等若干名。均不引出班。唱畢。丹陛大樂作。奏慶平之章。鳴贊官贊諸進士行三跪九叩禮。興退於兩翼原立處排立。樂止。鳴贊官贊舉榜。禮部堂官進就榜案前。北面跪。興。捧榜降自中階。儀制司官以雲盤承榜。導以黃蓋。由中路出。

太和門

午門中門。禮部堂官及一甲進士三名隨榜出。鴻臚寺官引諸進士由

昭德門

貞度門左右掖門出鑾儀衛官贊鳴鞭階下三鳴
鞭中和韶樂作奏顯平之章

皇上還宮樂止王以下文武百官皆出捧榜官捧黃
榜至

午門前連雲盤跪置龍亭內行三叩禮校尉昇亭
樂部和聲署作樂導引

御仗批頭前導至

東長安門外張掛狀元率諸進士等隨出觀榜順
天府備傘蓋儀從送狀元歸第所有金榜於

東長安門外張掛三日後照例恭繳內閣越二日
狀元率諸進士上

表謝

恩。是日鴻臚寺設案於

午門外甬道正中。鳴贊二員監禮。御史二員立於
案前。序班引狀元及諸進士由。

東長安門入至。

闕下。序立甬道左右。均東西面。狀元捧表詣案北
面跪陳於案三叩興退。鳴贊贊齊班引狀元及

諸進士北面聽贊行三跪九叩禮興引退禮部
官捧表送內閣擇吉狀元率諸進士詣

太學釋奠於

先師孔子行禮如常儀

例案

雍正元年定。

殿試後三日讀卷。讀卷後一日傳臚。鴻臚寺為贊

官宣

制一甲三名。

賜進士及第二甲

賜進士出身三甲

賜同進士出身張掛黃榜於長安左門外

又定傳臚後狀元率諸進士上

表謝

恩擇日狀元率諸進士詣

先師孔子廟行釋菜禮易頂服

乾隆七年奉

上諭嗣後殿試傳臚著滿鳴贊官宣制唱名漢鳴贊官

不必宣制唱名。欽此。

乾隆二十五年奉

旨。殿試擬定十卷。於傳臚前一日進呈。卽於本日帶領引見。欽此。

乾隆二十六年奏准。四月二十一日舉行

殿試。二十五日

陞殿傳臚。

乾隆三十四年。讀卷大臣具奏。進

呈前十卷。第八卷。潘奕雋。第十卷。季學錦。二名。引

見不到。據實叅奏奉

旨。著改附三甲末。欽此。

嘉慶七年。署都察院左都御史博興等。叅奏。傳臚新進士行禮參差不齊等因。一摺。奉

上諭。昨因陞殿傳臚。新進大行禮參差不齊。儀節舛錯。隨傳詢鴻臚寺禮部各堂官。因何不預行演習。據該堂官等均稱。臚唱演習。向無成例。及閱都察院衙門。叅奏一摺。內稱。凡遇有傳臚大典。由鴻臚寺派出序班等官三員。先期將一甲三人認明。分班帶引。俟鳴

贊時卽在旁密爲宣導。俾弗愆儀。今該寺官直至三名全唱。後始引其就位。旋卽退遠。不在旁押班宣導。以致參差不齊。跪拜無節等語。是厯屆傳臚諸進士行禮。惟以鴻臚寺官在旁導引爲準。不致錯誤。此次該寺堂官並未先期選派嫻習之員敬謹導引。殊屬疎忽。所有鴻臚寺承值帶領一甲進士行禮之員著交部議處。鴻臚寺堂官著交部察議。欽此。

道光十三年奏准本年恭應

殿試諸貢士奉

旨於二十九日帶領前十名引

見五月初一日

陞殿所有

陞殿吉時。現經劄行欽天監謹擇得卯正三刻吉。次日
應

賜恩榮筵宴。查係齋戒期內。應卽照例停止。至狀元上
表謝

恩並於

午門前頒

賞諸進士表裏應請於初二日舉行其恭詣

先師孔子廟行釋褐禮之處另行擇日辦理。

又奉

旨此次新進士謝恩狀元著穿補服諸進士等緯帽常服其餘執事人員均著緯帽常服不掛珠所有狀元衣帽等件及諸進士表裏著照例頒賞欽此

道光十六年奉

上諭禮部鴻臚寺並給事中炳輝等奏一甲三名進士蘇敬衡傳臚時並未到班各一摺蘇敬衡著交部察

議欽此。

道光二十一年具奏本科

殿試。

陞殿傳臚各日期一摺奉

旨本科會試中式貢士著於四月二十一日殿試朕於二十五日陞殿傳臚欽此。

道光二十七年奉

旨卓秉恬奏昨日陞殿傳臚遲誤未到自請議處並據連貴奏稱因卓秉恬屆時未至不揣冒昧敬謹代爲

捧榜等語。陸殿大典禮儀攸關。卓秉恬遲誤未到着。交部照例議處。禮部侍郎連貴。因卓秉恬遲誤代爲捧榜。尙知大體。著交部議敘。欽此。

附載舊例

乾隆四十三年。大學士公阿桂等奏。於上年二月議准。酌定禮節單。有二十七月內傳臚。不陸殿一條。伏思

陸殿受賀可比。且較官員謝

恩
陸殿典禮更大。公同酌議。所有本年文武

殿試傳臚

陸殿自應照舊舉行。惟樂設而不作。俟命下。卽將現在應行事宜。交該部照例題本。

乾隆六十年奏准本年四月十七日

殿試二十日

殿傳臚

嘉慶四年奏准四月二十五日停止

殿傳臚仍照例設黃案一。是

太和殿丹陛上正中備雲盤黃蓋於丹陛下設龍

亭於

午門外讀卷執事各官照本年議定常朝坐班例均補褂朝珠新貢士均常服齊集屆時內閣學士捧黃榜安設丹陛上正中黃案上鴻臚寺官引讀卷執事各官暨新貢士於丹墀內按班排立不贊行三跪九叩頭禮禮畢皆退禮部堂官進就榜案前北面跪行三叩頭禮奉以興降自中階以雲盤承榜導以黃蓋由

太和門

午門各中門出至

東長安門外張掛其在部筵宴之處應行停止

欽定科場條例卷五十七

舉行事例

一

保和殿朝考。翰林院奏定日期。知照到部。行光祿寺備考案。工部備黃案。及黃案衣。鴻臚寺會同陳設。鑾儀衛派校尉。領侍衛內大臣。護軍統領。派侍衛護軍。太監經營茶水等事。均與

殿試事宜同。

乾隆五十四年。欽奉
殿試題派事宜門

止諭詳

一
保和殿朝考。行內務府。將

太和殿所貯黃案。送

保和殿。以備安設題紙。事竣送回

太和殿。又將

保和殿內席氈捲起。並開南桶扇。排設各進士考
案。

一
朝考試題。由翰林院開寫前三科題目進

呈恭請

欽命論說詩題目各一道。於試日清晨

頒發進士等。或諸題全構。或作一二。藝聽其各展所能。其詩題祇賦一律。毋許違例多作。

一試卷。先令監試大臣逐卷畫押。以防抽換。

一新進士

朝考試卷。閱卷大臣擬定一二三等進

呈

例案

雍正元年奉

上諭新科進士於引見之前先行考試知其學問再行引見選拔庶人才不致遺漏考試題目將詩文四六各體出題按朝考命論疏詩三題欽視其所能或一篇或二三篇或各體皆作悉聽其便欽此

乾隆三十四年奉

上諭昨派閱朝考卷之大臣以擬取各卷進呈朕閱前列數卷併拆開彌封則擬列第一之嚴本卷論旨云人心本渾然也而要必嚴辨於動靜之殊兩句內姓

名顯然併見復閱擬第二之王世維卷則云維皇降
衷而擬第三卷之鮑之鍾則用包含上下句包爲鮑
字之半擬第五卷之程沅則云成之者性也成與程
音相同實堪詫異雖此各卷文藝原屬可取而其字
跡可疑且不止一卷豈得盡謂偶然適合似此隱藏
字樣非關節而何若謂此非關節亦不解復有何等
字樣爲關節者或云朝考止論去取不關前後此小
省人少者則然若江浙中式進士較多設朝考卽入
選而名次在後恐已難邀館選是前列實爲勢所必

爭卽不能保無播弄筆墨希圖巧作夤緣之計。朕從不肯逆詐億不信。而亦斷不能漠然無先覺。爲此等伎倆所蒙。諸臣皆朕所信任。派出不值因此遽興大獄。今爲一一舉出。應有內愧於心者耳。此事姑從寬免。究但如此擬取。不足以昭公道。而服人心。因令軍機大臣會同原看官。將各卷通行覆閱。據奏請將原擬之前四卷。抑置取卷之末。並將所取各卷。酌改前後次序。另籤進呈。均如所擬。更定至原擬第三十一名之卷。詔既不切。詩復不工。亦如所請。斥去不取。以

示平允。原派閱卷之六臣將此不應入選之卷濫取充數。咎無可辭。著交部議處。並將此明白宣示。俾嗣後衡文諸臣及應試士子各自猛省。倍加警惕。欽此。乾隆三十六年。御史張齊奏。准竊照鄉會科場。及各項考試。其詩止限排律一首。卽一詩工拙。可覘所學淺深。乃近科來。新進士詩題有賦至二首。或三四首者。伏思每考經闕卷大臣秉公詳校。酌擬甲乙。進

呈

欽定其優劣原不以篇什多寡爲衡。但每次多作詩之人。爲數本少。一經繳卷。衆口爭傳。故雖已揭浮籤糊名。莫辨竟有可卽作詩幾首。而知其爲某者。行之既久。恐易起詭遇之端。現屆

朝考在邇。請

旨飭禁。令各遵照制科定式。詩題祇賦一律。毋許借此逞弄筆墨。故爲示異矜奇。以肅成規。而符體制。於防閑似較爲慎密。

乾隆五十三年。奉

上諭。吳省欽奏。殿試朝考。懋館大考。請頒發內府圖章。鈐記試卷一節。意在防範抽換。但內府所貯寶章。乃御用之件。卽係尋常閑散圖篆。亦不值於試卷紛紛鈐記。已有旨令監試大臣。逐卷畫押。以作標記矣。欽此。

嘉慶二十二年奉

上諭。向來新進士朝考。以論詔疏詩四項命題。其詔題多係擬古。朕思士子文藝試。以論疏詩三項。其優劣已可概見。擬作古詔。不過臨時強記。敷衍成篇。況可

擬古詔本屬無多。歷科命題幾編。嗣後新進士朝考著裁去詔一道。以論疏詩三項命題。著爲令。欽此。

道光二十一年奉

旨。嗣後新進士朝考開卷者。照覆試之例。擬定一二三等進呈。欽此。

附載駁案

乾隆三十六年。禮部議駁御史胡翹元條奏。查舊例進士傳臚後。由翰林院帶領引

見恭候

欽選。雍正元年始有

朝考之制。臣等伏讀

世宗憲皇帝諭旨。新科進士於引見之前。先行考試。知

其學問再行引見舉拔。庶人才不致遺漏。考試題目將詩文四六各體出題。視其所能。或一篇。或二三篇。或各體皆作。悉聽其便。欽此。是立法之初。原欲使積學通才。無遺選錄。並非於短長互見之人。貴以衆體兼工。缺一不可也。我朝加意作人。自丙辰

恩科以來。閱今十五科。皆循照辦理。仰見聖主慎守

成憲。甄錄人才。無事求備之至意。今據御史胡翹元奏請。將未完四藝者。以違式論。不帶領引見。不歸部銓選等語。查鄉會試干貼之例。原屬一定之功令。而

朝考各聽其便者。係立法時之

特恩。不可相提並論。輕議更張。且人於各種文體。既有能有不能。而構思成篇。亦復有敏鈍之不一。如以夏日書永。盡人應完四藝。則

殿試之日。亦係長晷。僅對策一篇。又准給燭。士子尙多竟夜始繳卷者。至

保和殿朝考

欽命諭詔詩疏四題。定例日暮繳卷。不准給燭。如果稱題合作。在能者亦自不易。倘才思稍絀。勢至不能全完。閱卷大臣於此等卷。原在擯置不錄之列。况

朝考原爲選拔人才而設。進士皆以館選爲榮。與是考者。誰不欲竭能求錄。而限於學殖。不能如志。或僅作二藝三藝而止。而其人已成進士。亦不過於館選無所希冀。究非有心趨避。隱寓弊端。又况帶領引

見之後。自改用庶吉士外。有分部學習。與歸班銓選等項。其將來果否稱職。於文辭優絀。更無關涉。若如該御史所奏。必俟下科再行

朝考。始准照舊銓用。倘其人下科仍復遲鈍。不能完篇。則仍不能歸班銓用。是雖登兩榜。轉不如舉人之無須考試。尙能按班就選。於事理似未平允。至該御史以未完卷之人。皆係漫不經心。畧構數藝。以圖塞責。此等無志向上之人。誠不

能保其必無。但不計其文字之工拙。而徒以兼
作四藝爲人格。淺學之士。仍復草率了事。於實
政究無裨益。應將該御史所奏。毋庸議。

題名

附進士留京
教習舊案

現行事例

一金榜題名錄由內閣進

呈後交部刊刻。與會試題名錄一併題交內閣收

貯。仍將試錄移送各衙門並通行各省。未經

殿試及現任職官中式者均另單開明送吏部查
辦。

一進士題名碑建立於國子監大成門外。禮部

題請奉

旨後抄錄原題及各進士甲第名次籍貫交工部國子監遵行。

例案

雍正二年奉

諭旨進士題名碑始於唐時。新進士榜後於慈恩寺塔下題名。自宋明以至我朝皆建碑於國學。按諸進士甲第先後刻姓名籍貫於上。凡所以重科名也。嗣後每科照例題請。庶士子觀覽豐碑。知讀書可以榮名。益勵其自修上達之志。欽此。

乾隆二十六年。部會同吏部議准山東布政使崔應階條奏各款。一進士名單應行知照等語。應如所請。卽於本年

恩科殿試爲始。將金榜通行各省立案。至蒙

恩錄用之後。吏部將本科進士用過幾員。歸班候選者。幾員。亦按照省分開列名單。咨行各省。令藩司立案。

附載進士留京教習舊案

康熙五十一年奉

上諭。考取進士。除選庶吉士外。其餘挨次續補縣令。俱

有刑名錢穀之責。未登仕前。不知事宜。仕時安有裨益。今歲進士。勿令回籍。交禮部選翰林院內。學優品端者數人。教習文藝。從事典禮。如有纂修之事。令伊等纂修。每進士一名。月給銀三兩。有患病告假。丁憂終養等項。仍照例給假。其才力不及者。教習官題參行革。優長者。不拘科分名次。卽行陞補。平常者。三年滿日。註冊。俱令歸籍。候缺補用。欽此。

又覆准教習進士。頒發

御製詩集。

御批通鑑。古文等書。發給內務府所存房舍開館。禮部翰林院。分派人役四名看守。每遇大朝之日。令進士隨現任官員班末行禮。以觀大典。

雍正元年。停止教習進士。

欽定科場條例卷五十八

繙譯

繙譯童試

現行事例

一繙譯童生三年兩考。滿州文藝額進六十名。

蒙古文藝額進九名。任缺無濫。

道光二十一年
咨准蒙古文童

生僅止六名應

考准其入闈。逢應考時。順天府行文八旗查

取名冊。各該都統先令各該佐領領催出具並

無槍替圖結。定期赴本旗都統衙門考試。至期

卽令該佐領領催帶同赴考。該都統副都統親
自監試。錄取清漢文理精通。並嚴行驗看馬步
箭。揀選騎射可觀。以及稍可者。備造年貌履歷
三代清冊。咨送順天府轉送兵部考試馬步箭。
俟兵部劄發箭冊到日。該府尹按名備卷。定期
考試。仍飭令該佐領出具圖結。同派出叅領領
催。當場識認。方准入場。儻該佐領等有知情通
同舞弊。卽奏請從嚴議處。

一 繙譯童生。歲試年分。於八月內考試。其科試

之年於五月內與繙鄉試錄科合併一場辦理如歲試之年恭遇

恩科順天府先期咨明禮部改期。

一應試士子於考試前一日點名搜檢進場。

一繙譯童試恭請

欽命繙譯題各一道。滿洲士子用漢文。令繙清文。蒙古士子用清文。令繙蒙古文。由順天府尹請領。送入貢院。敬謹刊刷。於考試日黎明散給士子。交卷以日入爲度。不准給燭。俟試卷收齊。由監

試御史檢查彙齊封送內簾

一應試士子丁憂及本生父母期年服內不准

考試違者照匿喪例治罪

駐防應試士子同

一滿洲蒙古漢軍戶籍例應分別如有混冒取

中者本生斥革咨送之該旗官交部議處

一九品筆帖式准應繙譯童試

一新滿洲烏拉齊等在京所生已過二三世其

子孫如有能習繙譯者准其一體考試

一閱卷大臣由順天府丞先行禮部將內閣六

部都察院理藩院通政使司大理寺翰林院詹
事府滿洲堂官通行開列。如人數不敷。並將太
常光祿太僕等寺卿國子監祭酒內閣侍讀學
士翰林院讀講學士及各滿洲京堂銜名一體
開列。題派校閱滿洲試卷。其校閱蒙古試卷。將
各部院寺蒙古堂官國子監蒙古司業內閣蒙
古學士侍讀學士及各部院通曉蒙古繙譯司
員一體開列。並將上欠

派出名單一併進

呈題請

欽派并先期行知開列各員居期詣

午門前聽候宣

旨。如有應迴避之子弟宗族姻親俱開出扣除其搜

檢王大臣照鄉會試之例各取銜名題請

欽派所用搜檢員役行文步軍統領出派

一題請

欽派搜檢王大臣摺內將應試人數隨本聲明。

一考試先期由順天府咨行都察院奏派堂官

一員專司稽查並奏派至公堂監試滿洲御史
一員漢御史一員經理點名給卷等事內簾監
試滿洲御史一員漢御史一員經理刊刻題紙
稽查內龍門一切事務兵部題派左右翼副都
統各一員隨帶本旗叅領章京各二員入場彈
壓並奏派左右翼副都統各一員屆期帶領所
屬官兵在點名之處稽查彈壓令士子等魚貫
入場。

一每遇場期於貢院內先將士子坐次編號截

印卷面士子領卷後各照伊卷面所印坐號歸入號舍不得任意往來越號仍令監試官嚴行查察。

一考試繙譯童生進

呈試卷卷面粘貼黃簽再於卷尾用墨筆填寫名次每屆考試時承辦衙門行知考官遵辦。

一試卷閱定後將取中士子在聚奎堂嚴加覆試閱卷大臣酌擬名次進

呈

欽定並將覆試卷另行封送。奏事處以備磨對。俟發下後。由禮部拆號填榜。交順天府張掛。如遇巡幸順天府。將應否進

呈之處請

旨如奉

旨毋庸進

呈。於發榜前一日。知會禮部禮部堂官一員。齎印入闈。會同彈壓之副都統。監試御史提調等。至聚奎堂。眼同閱卷。大臣拆號填榜。用印張掛。其

考取名次旗分卽由閱卷大臣開單具奏送交
禮部存案其餘一切事宜俱由順天府承辦

例案

雍正元年奉

上諭。八旗滿洲等除照常考試漢字秀才舉人進士外。
在滿洲等繙譯亦屬緊要。應將滿洲另繙滿文考試
秀才舉人進士之處。爾等會同該部作何考試額數
多少等處。定議具奏。欽此遵

旨議定。八旗滿洲能繙譯者。三年之內考取秀才一次。

又定考試繙譯秀才事宜。及所用物件。交與順天府辦理。

雍正四年定繙譯考試增添漢軍。

雍正九年奉

上諭。看來蒙古旗下人。能蒙古話。及能以蒙古字繙譯者。甚少。如是相沿日久。蒙古文字。并蒙古話。必漸至廢棄。宜令蒙古旗下人。亦照考試滿洲繙譯生員舉人進士之例。考取蒙古繙譯生員舉人進士。在理藩院補用。如有讀習漢書情願考試文生員舉人進士。

者令照常考試著在別部院補用如此則蒙古旗下人俱各奮勉勤學蒙古文字並蒙古話不至廢棄而理藩院亦收得人之效著大學士會同理藩院議奏
欽此遵

旨議定八旗蒙古人等能繙譯滿洲蒙古文字者照考試滿洲繙譯之例三年之內考取秀才二次

雍正十二年議准考試八旗繙譯生員俱在至公堂聚奎堂兩處考試今士風鼓舞人數增添應照考試進上舉人筆帖式編入號舍之例每

遇場期。於貢院內先將場中坐次編號。截印卷面。諸生於點名領卷時。各照伊卷面所印坐號。歸入號舍。仍多派員役。嚴加巡邏。俱令遵守場規。不得任意往來越號。以滋弊竇。

乾隆二年議准。繙譯童試場規。亦宜嚴肅。所有童生坐號。應照鄉試例。每一字號分坐十人。如應試人多。臨場按數分派。仍令監試官於士子進號時。察其非係本號者。立時押入應坐之號。俟士子進畢。卽行封號。

乾隆四年奉

上諭朕從前降旨將代賠祖父虧空已奉恩免人等停選者。停補者。俱准歸入伊等班次銓用。其應賠祖父革職之員。亦准一體開復。今朕念旗人有因代賠祖父虧空者。力不能完。治以枷責之罪。此等人員。與本身虧空及緣事枷責者。究屬有間。概行擯棄。情亦可憫。伊等如願考試。著該旗查明。除原案內載有不准考試字樣外。俱准一體考試。俾各奮勉自新。以昭朕格外加恩之至意。欽此。遵

旨奏准。除本身虧空及緣事枷責並原案內載有不准
考試字樣者。俱應遵照不准考試外。查代賠祖
父虧空人等。其中有已出仕及進士舉人貢監
生員之不同。而力不能完。治以枷責之罪者。原
因虧空獲譴。與奉

恩豁免。未經治罪者有間。若不將應行准考之人。與何
項考試之處。分晰奏明。恐八旗辦理未能盡一
而舉貢生員等。或因

諭旨有考試字樣。妄冀開復。以應鄉會試。致啟僥倖之

端伏思已經出仕之人。與夫進士之歸班候選。舉人之揀選註冊。以及貢監之捐有職銜者。從前既奉

恩旨。吏部分別辦理。已多准予開復需次銓用之人。惟其中有力不能完。治以枷責之罪者。原不便與奉

恩。豁免人等。同邀開復。今蒙格外

加恩。准其考試。要令進身有階。不致終身擯棄。似非謂已革之舉人。仍得以舉人應會試。已革之貢監

生員。仍得以貢監生員應鄉試也。應請旗人有
因祖父虧空力不能完。治以枷責之罪。除查係
閑散人等。應准其照例考試外。其已經出仕及
進士舉人貢監生員等。如願考試者。俱照閑散
人等。准其一體應童子試。並與旗下繙譯等項
考試。以圖上進。但不准借考試之端。希圖開復。
如查係曾經發譴。並入辛者庫赦回。其罪原不
止於枷責者。其本身應仍不准考試。以杜冒濫。
乾隆十三年。大學士伯張廷玉等議准。查繙譯

考試從前並未定有額數。是以歷科取進童生多寡未免不均。今奉

諭旨。飭令酌定額數。使考官得以遵循辦理。伏查歷年歲科應考滿洲繙譯童生。約計八九百名。及一千二三百名不等。取進生員。或四五十名。或八九十名不等。通計有十一二名。取進一名。亦有二十三四名。取進一名。應考蒙古繙譯童生。約計八九十名。及一百一二十名不等。取進生員。或八九名。或十三四名不等。通計有五六名取

進一名。亦有十名取進一名。各在案。查滿洲蒙古漢軍。每次應考文童者。約計八九百名。額進九十名。在考試雖事同一例。然繙譯較之時藝。似屬稍易。如與文童一例取進。恐應試之人俱趨易途。滿洲繙譯生員。應照文童取進之額。每三名減去一名。共減三十名。嗣後滿洲繙譯生員。額取六十名。至應蒙古繙譯童試之人數。較之文童應試者。十分之一。其取進之額。亦應照文童取進之額。每十名取進一名。嗣後蒙古繙

譯生員額取九名。

乾隆三十二年。議覆工部尙書托庸等奏稱。考

試繙譯童生。請照鄉會試之例。派副都統入場

彈壓。并御史監試等語。應如所請。嗣後考試八

旗繙譯童生。由順天府丞預期行文都察院。奏

派監試滿洲御史一員。漢御史一員。

按道光二年議准。嗣

後例設至公堂御史二員。內簾御史二員。行文兵部。奏派左右兩翼

副都統各一員。叅領章京各二員。

嘉慶八年奉旨。叅

領章京不必奏派。

案載執事官員門入場彈壓稽察。於考試日淨

場後俱各散歸其場外巡邏人役亦應照考試
文童之例責成順天府委員嚴行查察毋庸添
設堆撥至稱考試大員不過一二人一時難以
徧閱請令派出大員各將素日所知通曉繙譯
者不必拘定是何衙門各取數員帶入貢院協
同看閱等語查繙譯試卷繁多一二大員勢難
徧覽但如該尙書等所奏尙非慎密關防之道
請照從前繙譯考試之例令順天府丞預期行
文該部轉行各部院衙門令各該堂官揀選人

謹慎精通繙譯之司員密送禮部於請點閱卷

大臣時。隨同開列進

呈恭候

欽點四員。隨派出之大臣卽日進場。協同校閱。道光八年奉

旨將繙譯

同考官裁撤。其蒙古繙譯應試童生。每次不

及百人試卷無多。應毋庸添設。

按校閱蒙古試卷禮部將各部

院寺蒙古堂官及通曉繙譯之司

員一體開列題請簡用一員。

乾隆三十八年御史艾源奏准繙譯生員爲旗人進身之階。向例三年兩考。奏派大臣閱定試

卷伏思考試大典例應嚴肅嗣後考試點名時請加派御史二員於東西磚門分旗點進並派王大臣逐名搜檢圍牆以外責成步軍統領衙門加意巡邏。

乾隆四十一年順天府奏准嗣後繙譯生員改於八月內考試。

乾隆四十二年覆准考試繙譯生員名冊由各該旗徑送順天府核辦。

又奉

上諭。嗣後考試生員之人。各該都統等務必嚴行察看。善爲教訓。於未考之前。揀選馬步箭可觀。以及稍可者。准其送名。倘仍有平常之人。被特派王大臣查出。具奏。不惟不准其人應試。惟該都統等是問。斷不寬恕也。欽此。

又奏准。八旗新滿洲烏拉齊等。除初移駐者。不准考試外。其在京所生。已過二三世。如有能習繙譯者。准與舊滿洲一體考試。

又奏准。考試繙譯生員。照文場之例迴避。

乾隆四十三年奏准。繙譯童生。於乾隆四十一年經順天府具奏。定於八月考試。今歲舉行鄉試。所有繙譯童生。改於五月考試。庶與鄉試兩不相礙。按乾隆五十二年。五十七年。改於五月考試。嘉慶二年。改於閏六月考試。均由順天府咨部辦理。

乾隆四十五年。吏部奏准。繙譯童生。三年兩考。所有請派考官及搜檢王大臣。向例由吏部將應行開列職名。題請

欽點。查繙譯鄉會試考官。及搜檢王大臣。均係禮部題

請

欽點。惟考試繙試生童。又係吏部具題。是同一考試而請點考官。則有吏部禮部之分。嗣後考試繙譯童生。應派考官。及搜檢王大臣。照鄉會試之例。改歸禮部辦理。

乾隆四十六年。刑部侍郎喀齡阿等奏准。考試繙譯生童係

國家掄才大典。卽旗人進身之階。自應嚴密關防。不得稍留罅漏。致滋僥倖。查向來考試蒙古生

童之題。卽係滿洲生童應繙之文。雖場分東西。各編號舍。不令附近關通。但考試領題。俱在一日。竊恐法嚴弊巧。不肖生童。相見傳語。給看題目。則考繙譯滿文者。照鈔謄寫。卽希倖獲。辦理似未周密。嗣後考取蒙古生童。請

勅交軍機處。另擬滿文題目。同漢字題目。一併進

呈。恭候

欽定頒發。如此分爲兩題。庶遠嫌防弊之法。較爲嚴密。乾隆五十五年奏准。舉場一切考試。俱於前一

日午後點名。從容搜檢。次日黎明出題。俾盡一日之長。不准給燭。

嘉慶四年。副都統公宗室綿志奏准。查舊例。繙譯生員。三年兩考。乾隆四十九年。和珅更張舊例。改爲三年考試一次。現在繙譯生員。漸致寥寥。如遇考試中書筆帖式。甚至不得其人。嗣後考試繙譯生員。仍照舊例。作爲三年兩考。於八旗大有裨益。

嘉慶六年。議准。左副都御史繼善條奏。內稱大

場進卷之例。因本數過多。不能候齊。所以陸續封送。至繙譯小考人數無多。何妨俟酉刻卷齊。御史檢查明白。每旗作爲一包。一齊封送等語。查各衙門辦理試卷。或陸續封送。或彙齊總交。向無成例。原非弊竇所關。但考場嚴密之地。送卷一束。卽啟門一次。內外官吏。終日相見。亦恐有意外之慮。應如所奏。嗣後令御史將試卷檢查明白。一齊封送。又奏稱覆試時。不必另散試卷。卽將原卷分給士子。令其將覆試之條繙就。

另行分繕在清漢文之末等語。查各項繙譯考試。凡覆試之卷例不進。

呈以省繁瑣。其中文理筆蹟。有無遷就回護。固無可稽查。但概令寫於原卷之末。恐發出繳進。人數衆多。或有污損之處。礙難進。

呈。轉恐屈抑佳卷。嗣後應令取定之後。除原卷照例進。

呈外。其覆試卷。別令封送奏事處。以備或有事故。卽行勘對。俟正卷。

發下後一併發還。試官自不敢稍有姑容。

嘉慶八年順天府具奏。本年考試八旗繙譯生員原擬於八月二十八日考試。恭逢

聖駕於八月二十二日

啟鑾二十九日回

圓明園二十六日正各大臣接

駕之時。開列各員。恐未能齊集。今擬改於九月初二日考試。其闕卷大臣等官。咨明禮部等衙門。預期開列具奏。於初一日聽候宣

旨卽日入場所。需繙譯滿洲及蒙古文字題目各一道。於初二日赴

圓明園祇領。送入貢院。交府丞轉交閱卷大臣刊刻刷印。於初三日散給士子考試。其取中試卷。應遵照定例。由閱卷大臣分別滿洲蒙古擬定名次。進

呈

御覽後。發交禮部拆號填榜等因。奉旨依議。欽此。

嘉慶十二年奉

旨此次考試繙譯童生有三文敏之名其先入場之二人均經各該旗叅領領催等非認實係正身則隨後自請入場並未領簽之文敏自係冒名頂替之人既據昭樾等飭交叅領扎克丹看管何以任令脫逃顯有故縱情弊著將扎克丹暫行革職交刑部訊問卽向伊跟究在逃之文敏實在下落並著步軍統領及五城一體嚴拏務獲其正藍旗滿洲之文敏現在場內在逃之文敏係頂冒伊名著俟出榜時查對該童

生會否錄取傳喚到案嚴行覆試無難立判真贋訊取確情照例懲辦欽此。

嘉慶十六年大學士董誥等具奏查向來考試蒙古繙譯由軍機處敬擬清文題恭候

欽定考試滿洲繙譯由

南書房敬擬漢文題存貯屆時恭候

欽定。此次本月二十九日考試繙譯童生由軍機處敬擬考試。蒙古繙譯題清字

諭旨三道伏候

欽定一道與考試滿洲繙譯漢字題一道一同

發下嚴密存貯於二十五日隨報寄京二十八日報到

由內閣轉交順天府祇領費交內場考試等

奉

旨知道了欽此

道光二年議奏御史阿成條奏考試繙譯等場俱添設滿漢內監試官各一員以慎關防一摺

奏

硃批禮部議奏欽此查原奏內稱歷年入闈考試繙譯

清字等場。每次請

欽派監試官四員。監試至公堂一切事務。聚奎堂並無監試之員。伏查鄉會試各科場。至公堂聚奎堂俱設有監試官關防。繙譯等場雖體制不同。其爲考試則一。嗣後凡遇入闈考試。繙譯清字等場俱倣照鄉會試科場之例。於聚奎堂添設內監試官二員。詳加關防等語。查臣部承辦各項繙譯清字考試。除繙譯鄉會試原設有內簾監試御史及考試滿洲教習人數無多。向無闕裕。

司員毋庸置議外。至考試繙譯童生及科試之年。考試繙譯錄科。例由都察院題派磚門點名。及至公堂監試滿漢御史四員。向無內簾監試。惟於士子出場後。在至公堂監試御史內。簽掣一員。入內簾經理分卷事宜。再查吏部承辦考試滿洲蒙古貼寫中書。考試各衙門並內務府現任筆帖式。考試滿洲蒙古候補筆帖式。考試候補庫使。考試候補繕本筆帖式。考試譯漢官。考試滿洲蒙古繙譯官。考試滿洲蒙古膳錄官。

考試八旗司貼寫筆帖式考試漢軍隨印外郎
各場俱係例設至公堂監試御史四員其貼寫
中書一項由內閣奏派監試均無內簾監試名
目。臣等伏思繙譯清字各場與鄉會科場體制
不同。場務繁簡亦異。是以從前均未議設內簾
監試。應屆辦理並無貽誤。惟內簾閱卷關防不
厭嚴密。該御史所奏如刊刻題紙及龍門啟閉
均無專員經理。亦係實在情形。查前項各場考
試。至公堂原設有監試御史四員。而各項應考

人數與鄉會試多寡懸殊。若一概添設內簾御史。未免事涉紛煩。臣等公同酌議。各繙譯場士子由東西二門點進。與鄉會場由四門點進者不同。其點名給卷等事。至公堂有御史二員足敷經理。嗣後應請於例設御史四員內。以二員作爲內簾監試。經理刊刻題紙。稽查內龍門出入一切事務。以專責成。每屆場期。由各該衙門於題奏時。分別至公堂二員。內簾二員。

又監試御史舒英等具奏。繙譯童生富泰混入

坐號等因一摺奉

旨富泰著交刑部審訊欽此。續准刑部咨稱此案富泰於考試繙譯生員時佛佑聽囑代爲應考業經進場卽屬代倩已成自應按本律問擬佛佑應革去兵部外郎候補教習繙譯生員枷號三個月發烟瘴充軍富泰央令頂名代考例應與佛佑一併枷號三個月發烟瘴充軍該犯等均係旗人各照本例先行枷號三個月再照例折枷九十日滿日鞭責發落交旗領同管束領催泳

春帶同富泰向講認官指對。富泰領籤後並不
詳細查看。致令將籤私給佛佑。混進場內。頂名
冒考。殊屬不合。泳春應照不應輕律答四十。鞭
責發落。識認官叅領恒謙。署佐領三等護衛塔
克尙阿。未能查出佛佑頂名冒考情事。究屬疎
忽。應請

旨交兵部議處等因奉

旨依議。欽此。查繙譯生員候補教習佛佑。聽從富泰囑
託。頂名入場。冒考。繙譯童生。既據刑部擬結。應

如所咨斥革辦理

道光十五年奉

上諭御史阿林保奏請嚴密稽查八旗繙譯考試一摺。向來考取繙譯童生。先由順天府行文八旗都統。由八旗都統考取造冊咨送再行考試。定例極爲周密。若果認真遵行。何至有槍冒等弊。嗣後八旗都統考送繙譯生童時。著先令各該旗佐領領催出具並無槍冒圖結。定期赴本旗都統衙門考試。至期卽令該佐領領催帶同赴考。該都統副都統親自監試錄取。

清漢文理精通者。再行咨行順天府考試。俟奏派考試時。仍飭令該佐領出具圖結。同派出鄉領領催。當場識認。方准入場。倘該佐領等有知情通同舞弊等情。卽奏請從嚴議處。其鄉會繙譯場。該佐領等臨場識認。亦著遵照辦理。至考試場內。應如何嚴密稽察及中式後。應如何覆試核對筆跡。著禮部順天府妥議章程具奏。欽此。

又會議御史阿林保奏。請嚴密稽察八旗繙譯考試一摺。查考試繙譯生童及鄉會兩場。原期

得文理精通之員以備

國家之用。必須嚴爲稽查。方可拔取真才。嗣後考試繙譯生童。並鄉會試臨場識認之處。臣部已恭錄

諭旨。行文值年旗轉傳各旗。欽遵認真辦理。至考試場內。例有稽察大臣。以防換卷之弊。並有監臨知貢舉副都統等。稽查彈壓。定例原極嚴密。全在任事者不避勞怨。實心經理。無庸再增科條。其士子取中之後。例應嚴加覆試。查繙譯童試。向

由內閣大臣酌擬名次將試卷恭

呈

欽定並將覆試卷另行封送奏事處以備磨對嗣後仍請照例辦理

道光十八年本部具奏考試繙譯童生題本人數不符應行更正一摺查本年八月考試繙譯童生准順天府府丞咨報實考人數滿洲童生一百二十六名蒙古童生十四名臣部卽按照原報名數於題

派考官本內分晰開明具題在案。嗣據順天府委員將
試卷送部。並鈔錄閱卷大臣奏底。移咨前來查
原奏內聲明滿洲繙譯試卷二百十七本。核與
原報名數兩歧。隨劄行該府查明因何舛錯。聲
覆辦理去後。茲據該府丞覆稱。各旗考試繙譯
滿文童生二百二十六名。前文內誤寫一百二
十六名。實由筆誤等因。所有題本內人數不符
之處。理合奏明。據實更正。並將失察職名。請

旨飭交吏部照例察議等因。奉

旨依議欽此。

道光十九年軍機大臣面奉

諭旨。嗣後考試各項繙譯進呈各卷。均著照本年吏部奏定章程。卷面粘貼黃簽。再於卷尾用墨筆填寫名次。並著每屆考試時。承辦衙門行知該考官。一律遵辦。欽此。

道光二十一年。准順天府咨呈稱。此次考試繙譯童生。前准兵部將驗試騎射合式滿文章生二百七十六名。蒙文章生七名。當經飭發經歷

司造冊收卷去後。現據該司呈報滿文童生投
卷二百六十二名。蒙文童生投卷六名等情。查
蒙文童生。僅止六名。是否應考。例內並無明文。
應片呈禮部查覈。示覆。以便遵辦等因。查歷屆
繙譯童試。報考名數。皆在七名以外。至不及七
名考試之處。本部亦例無明文。查科場條例內
載。應蒙古繙譯童試之人數。較之文童應試者
十分之一。其取進之額。亦應照文童取進之額。
每十名取進一名等語。現在報考人數。僅止六

名雖與十名取進一名之例不符。惟查例載各省駐防童生。覈計應試人數。約於五六名內取中一名等語。此次蒙古文童應試。自應准其入闈。

道光二十九年。考試滿洲教習。本部奏請

欽派搜檢王大臣。軍機大臣面奉

諭旨。傳知禮部。以後遇有此等考試。於奏派搜檢等摺內。約計應試人數。隨摺聲明。欽此。

附載舊例

順治八年定滿洲蒙古考試能通漢文者繙譯
文一篇未能漢文者作清字文一篇

又定考試繙譯禮部會同學政在貢院考取秀
才

順治十七年停止繙譯考試

雍正元年定考取繙譯秀才之年吏部行文翰
林院各部院衙門將滿洲翰林侍讀郎中等官
由清漢字出身精通繙譯者咨送吏部開列具
題

欽點學政一員

又定考試繙譯童生於貢院內考試將四書直
解限三百字內爲題繙譯文一篇其繙譯精通
者聽考官選取

又定取中繙譯秀才額數臨期視人數之多寡
恭請

欽定

雍正九年定考取蒙古繙譯秀才派蒙古學院
一員

又定蒙古繙譯考取秀才題目於清字

日講四書內照漢文限三百字爲題繙譯蒙古文一篇

又定蒙古繙譯考試取中秀才額數令考官挑取中式之卷並選備卷數本一併進

呈恭請

欽定

乾隆元年議准考試繙譯生員於性理小學內出一題考試其蒙古繙譯卽於清文性理小學內出題

乾隆二年議准考試繙譯童生應照鄉試例主考會同房官於性理小學每一題後括其大義總論數語令士子一同繙譯

乾隆十一年御史岱圖條奏八旗繙譯童生照文生員例於進場之前由該旗考試一次通順者准其入場考試

乾隆十九年定考取繙譯生員作清字文論二篇

乾隆四十九年尙書和珅等奏准繙譯生員因

留爲旗人考取中書筆帖式之地。是以停止鄉會試時。未經裁減。查中書筆帖式。旣准生員考取。自可留此一途。使八旗人等。知進身有階。庶各留心繙譯。但三年兩考。未免爲期太近。嗣後改作三年考試滿洲蒙古童生一次。
乾隆五十五年奉

旨。昨閱考試滿洲繙譯生員取中試卷內。清字訛錯。繙譯平常者甚多。其落卷內舛錯尤甚者更復不少。此等士子。俱係初學之人。漢題較難繙譯。平常尙可。乃清字竟至訛錯。不無情弊。不成體統。主考大臣等。並未詳細選擇。惟拘定額取中。殊屬疎忽。非是。已延三慶桂著交部議處。將此次試卷內。字畫訛錯者。俱著開除外。其餘著於本月十一日。再令入場考試。其主考大臣等。屆期另行出派。所有應辦事宜。著交該衙門照例辦理。考試之日。卽著此次派出搜檢拔貢之王大臣侍衛等。搜檢其蒙古繙譯尙屬較可。卽著照取中試卷出榜。欽此。

嘉慶七年。議准御史和靜條奏。內稱各頂考試。

考官閱卷時無監試御史難免闕節請添派御史等語查內簾閱卷例由監試御史收卷封送閱卷大臣拆封校閱諸大臣係奉

旨簡派此等小試必不敢存不肖之心第立法不厭周詳考官分卷等事亦需御史經理更爲周密查士子出場以後外監試別無要事應於封送試卷時卽於至公堂御史內籤掣一二員入內簾分卷稽查以昭慎重亦不必另行添派

附載駁案

乾隆十八年定考試繙譯童生咨取翰林院詹事府科甲出身滿官赴各旗考試向來並無去取事屬虛文仍照舊例由順天府考試其八旗咨取翰詹赴旗考試之處應行停止

乾隆二十年奉

上諭八旗除滿洲因到京年久向有考試之例故姑從而留之東三省新滿洲烏拉齊與在京滿洲等不同正宜熟習騎射爲國家之用嗣後東三省滿洲烏拉

齊等考試之處著永行停止。欽此。

嘉慶四年議覆御史多隆武等條奏查向來各項考試均在聚奎堂局門考試。原恐正場或有代備等弊。必得考官等面加考核。以別真偽。且覆試時。由閱卷大臣會同彈壓副都統監試御史公同監視。考官斷不能意爲去取。若因聚奎堂與房考住屋相近。恐有書吏滋弊。查至公堂在聚奎堂之外。有辦事書吏雜沓往來。更不若聚奎堂之較爲嚴密。應將該御史等所奏。在至公堂覆試之處。毋庸議。

嘉慶七年議覆御史和靜條奏。內稱各項考試士子入場時。無點名御史一齊擁擠。易於頂冒。請添派御史等語。查各項小試。定例視人數之多少。派監試御史四員。或二員。點名給卷。蓋以士子未入之先。御史無事可辦。俟點名後。卽赴至公堂辦事。不致貽悞。正不必另派專員點名。所有該御史奏請添派點名御史之處。應毋庸議。又奏稱。取中後出示一案。僅真坐號。並無名

字。請於招覆日。以封呼名。仍令章京領催識認等語。查定例取中後。填寫坐號。出示招覆。仍先期行文各旗。飭令原派章京識認。亦係舊制。且試卷敬備進。

呈。是以不拆彌封。若大榜未填。卽行拆封。漏洩關防。殊於體制不合。該御史所奏。亦毋庸議。

道光二十五年具奏。道光二十三年議奏各省駐防改試繙譯章程內。聲明例應順天鄉試各生。俱照舊辦理。奉

旨依議。欽此。查熱河都統所管八旗各生。係例應順天鄉試之人。其原應繙譯童試者。應仍照舊例送京旗報考。今該都統誤會原議。自行考試錄取。將原卷送部核與奏定章程不符。應將原卷三本發還。另送京旗報考。繙譯以符定例。並請將該都統交部照例議處。奉

旨依議。欽此。

又咨覆刑部。考試八旗繙譯童生。刑部開送家古閱卷官額外主事存祿一員。查歷年成案。向

不開送額外人
員應行駁回。

繙譯

駐防繙譯童試

現行事例

一各省駐防繙譯童試三年兩考。歲試於八月內考試。將取進試卷送部。科試於鄉試前一年預期考試。如歲試恭遇

恩科。亦於鄉試前一年預期舉行。均限定鄉試年三月內。將取進試卷全行送部。

一各省駐防弁兵子弟。只准考試繙譯。不准應

考文試

一各省駐防繙譯童試卷均照京旗辦理。其卷

薄尺寸詳載繙

譯鄉會試門。錄科及童試均由該將軍副都

統城守尉等造辦令該士子前期十日投卷親

身書寫卷面填明年歲及滿洲蒙古漢軍佐領

並註明應滿洲繙譯試或應蒙古繙譯試字樣。

鈐用印信關防以杜弊混。

一各省駐防繙譯童生由該將軍副都統城守

尉等先看騎射合式者方准與考

一各省駐防繙譯童試應歸該將軍副都統城守尉衙門考試於黎明入場發題考試日入出場不准給燭。

一各省駐防繙譯童試題目滿洲用漢文題蒙古用清文題與京旗同均由該將軍擬出考試完竣將題紙隨卷解部以備查覈。

一各省駐防繙譯童生滿洲蒙古進額均各五六名取進一名至多不得過五名以示限制。道光二十七年議覆成都將軍奏并應試人數如在光一百十名以上酌加進額一名一百三十名以

上酌加進額二名。一百五十名以上酌加進額三名。毋論人數增多。總不得過八名。

一各省駐防繙譯童試。由該將軍副都統等出題。屬試憑文取進。如無將軍副都統處所。卽由該城守尉辦理。俟閱卷取進後。仍將所取之卷送部。俟各省取進之卷到齊後。禮部奏

派大臣在

午門外朝房內磨勘。

例案

道光二十三年奉

上諭國家分設八旗兵丁駐防各省立意至爲深遠。嗣因生齒日繁。披甲名糧例有定額。勢不能概令食糧。當差而各弁兵子弟亦有讀書向上。通曉文義者。聽其應試。以廣進取之階。所以造就人才。體恤旗僕者。無微不至。但思八旗根本。騎射爲先。清語尤其本業。至兼習漢文。亦取其文義清通。便於繙譯。乃近年以來。各駐防弁兵子弟。往往驚於虛名。浮華相尙。遂至輕視弓馬。怠荒武備。其於應習之清語。視爲無足重輕。甚至不能曉解。朕恭閱嘉慶五年。

皇考諭旨。各省駐防人等。准於該省考試文生。原係於
伊等格外恩施。若專務此而廢棄清語騎射。卽停止
此例。不准考試。亦屬應該。俟清語騎射演習熟練時。
方准考試等因。欽此。仰見我

皇考聖慮周詳。

訓誡諄諄之至意。因思清語騎射。全在該管大臣官員
等。平日盡心訓飭操演。而弁兵子弟。亦必令藉此進
身。益加勸勉。現在武闈鄉試。各省駐防一體與
考。應試之人。弓馬如未熟嫻。不患無登進之路。其應

文試者。必應試以繙譯。庶不至專習漢文。轉荒本業。除本科各省文鄉試。仍照例准其應考外。嗣後各處駐防。俱著改應繙譯考試。俾有志上進者。咸知非熟習清文。不能俾邀拔擢。自必爭相磨勵。日益精通。其各該將軍副都統等。尤宜隨時訓練。董勸兼施。毋得視為具文。因循積習。以副朕崇實黜浮之意。其考試一切章程。及繙譯童試進額。鄉會試中額。應如何酌定之處。著軍機大臣會同該部悉心詳議具奏。將此通諭知之。欽此。嗣經軍機大臣會同本部議奏。除例

應順天鄉試各生。又駐防現任京官之子弟。隨任在京者。俱照舊辦理外。謹將各省駐防考試繙譯章程。逐條開列。恭呈

御覽。

議准各條詳載本門現行事例。

又本部議覆青州副都統奏稱。青州滿營官兵等子弟。所學繙譯尚淺。於文論未經深究。滿教習亦未得人。該生等自行學習。又恐不合規矩。請於京城滿教習內。繙譯舉人揀選一名。咨送青州滿營一摺。查各省設立駐防。清語騎射。是

其本務駐防中讀書之士。夙嫻繙譯者。當不乏人。自可互相講習。且滿教習業經傳補者。未便更易。其未經傳補者。遇有本學缺出。尙需充補。倘各省駐防紛紛請揀。亦不敷咨送。所有該副都統奏請揀選滿教習之處。應毋庸議。至駐防官兵等子弟。恐於繙譯文論未諳規矩。擬將中式繙譯鄉會試第一名卷各一本。刊印如式。發給該省駐防。以爲楷模。

道光二十四年。准山西學政咨呈稱。駐防文生

鄉試嗣後俱改繙譯。至文章考試。是否概行繙譯。抑或仍准以旗童考試。其從前取定旗學文生。遇歲科兩試。是否應試之處。並未奉有明文。應咨部核覆等因。查各省駐防考試文章。前經軍機大臣會同本部議准章程。一體改試繙譯。均不准再應文試。至舊進文生。現既改應繙譯鄉試。應由該將軍等錄科送考。毋庸再行歲科文試。

又准福建學政咨呈稱。駐防文生童等。改試繙

譯其武童係由學政照舊考取。所有保結識認。是否責成未經裁撤之廩生。抑或照道光十七年以前未設廩生。由將軍副都統派委旗員帶領考試。至廩生例有廩餼。現尙未經裁撤。是否照舊。抑或卽行停支。且滿漢各生。旣改繙譯。所有未經裁撤之廩增支領廩餼。以及丁憂病故。涉訟滋事一切。是否仍屬福州府學管理。又駐防滿漢武童。並武生歲試錄遺各事宜。是否應由將軍副都統辦理之處。咨部示覆等因。查各

省駐防廩增前經軍機大臣會同本部議准。以次裁撤。所有從前已經補廩各生。自應照舊給餼。又未經裁撤之廩增。雖改試繙譯而未裁廩。以前其支領廩餼以及丁憂病故涉訟滋事。一切事件。應仍屬福州府學管理。以專責成。至武童考試。保結識認。或用廩生。或用旗員。並武童武生歲試錄遺各事宜。均事隸兵部。應由該學政自行徑咨兵部辦理。

又咨覆福州將軍。駐防考試繙譯童生。應由該

將軍出漢字題一道。令其繙譯。所請頒給書籍之處。應無庸議。

又奏准。前經奏定章程。各省駐防。均照京旗之例。於鄉試年分五月內考試。繙譯錄科。繙譯童生。惟各省考官五月內。卽應題請。

簡放。若令該將軍等。於鄉試年五月內錄科考童。距期已迫。其應試人數。是否足額。恐各該處咨報不及。礙難辦理。嗣後每屆鄉試前一年。由該將軍等預期考童錄科。將應考滿洲蒙古繙譯人

數。是否數中。於鄉試年三月內。全行報部。以便
於題。

派考官本時。應否請題夾片聲明。如逾限不報部者。
由部查明叅處。

又奏結磨勘。西安寧夏成都杭州各駐防繙譯
童試卷。共十八本。經磨勘大臣粘貼黃簽者十
五卷。均聲明有字句小差之處。惟駐防初次改
試繙譯。於清文尙未十分熟習。似未便照文闡
字句疵謬例辦理。應比照題目字畫小差之例。

免其置議。

又奏准涼州莊浪繙譯童生應照例於五月內考試。取進後卽行送部磨勘。乃遲至八月二十五日始行考試。以致不能與各省試卷一同磨勘。除行知涼州副都統嗣後照續行奏定章程。於鄉試前一年考童錄科。至鄉試年三月全行報部外。應將此次送到試卷五本仍交

派出之原勘大臣裕誠吉倫泰宗室奕毓德齡一同磨勘。

道光二十六年。准各省駐防將軍等。二十五年科考繙譯童試卷。送部磨勘。經磨勘大臣摺內聲明。各卷間有小疵之處。應請免議。奉

旨。依議。欽此。再查京旗繙譯童試試卷。向無草稿。卷面在左。嗣後各駐防童試辦理試卷。務須查照部頒卷樣。以歸畫一。

道光二十七年。議覆成都將軍廉敬等奏。本年應考繙譯童生。共一百三十七名。較之上次人數。幾增一倍。應否酌加進額等語。臣等公同酌

議除原定進額五名外。嗣後應考繙譯童生。如在
一百十名以上者。擬請酌加進額一名。一百
三十名以上者。酌加進額二名。一百五十名以
上者。酌加進額三名。自此次酌加之後。卽爲定
額。毋論應考人數增多。總不得過八名。並責成
該將軍等。於考試時。確查實在完卷人數。核算
取進。不得以未完卷者充數。倘繙譯欠妥。及字
末端楷。任缺勿濫。

又准京口副都統咨。各省駐防從前考試文童。

會將取進文生附入府學在案。今改試繙譯。取進各生。應否附入府學。至此次取進之繙譯生員原卷。既蒙封發。是否卽存本處備查。一併咨部示覆等因。查京旗繙譯生員。向不附入府學。所有京口駐防繙譯生員。自應歸該處叅佐領等官管轄。至取進原卷。業經本部發還。卽歸副都統衙門存案備查。